

## La vétta

*Silvano Rocca*

Sé, la vétta, la vétta,  
as fà prèst a dîr "la vétta".  
Una parôla, un riturnèl,  
una cantè a tótta vâus,  
al sâul, lé, atachè al zîl,  
la lónna drétta e arbaltè,  
al vânt sänza arpòs,  
al culâur cèr, cal scûr,  
i dé ón sâura a cl èter  
e chi grópp dûr  
ch'i n se dstrîghen mâi  
e äli òs e al sangv e la pèl  
ch'i én sänper drî a smagnèr.  
E pò l amâur,  
l amâur ch'l arîva  
e t an al cgnóss brîša,  
la lontananza, la speranza,  
al zûg bûr dla cusiänza,  
la fadîga ed capîr,  
la pòra ed sufrîr  
e una prêda sänper da vultèr,  
partîr e arivèr,  
arivèr e partîr.  
Sé, la vétta, la vétta,  
as fà prèst a dîr.

## La vita

*Silvano Rocca*

Sì, la vita, la vita,  
si fa presto a dire "la vita".  
Una parola, un ritornello,  
una cantata a voce piena,  
il sole, lì, attaccato al cielo,  
la luna dritta e rovesciata,  
il vento senza riposo,  
il colore chiaro, quello scuro,  
i giorni uno sull'altro  
e quei nodi duri  
che non si districano mai  
e le ossa e il sangue e la pelle  
che sono sempre intenti a smaniare.  
E poi l'amore,  
l'amore che arriva  
e non lo riconosci,  
la lontananza, la speranza,  
il gioco buio della coscienza,  
la fatica di capire,  
la paura di soffrire  
e una pietra sempre da voltare,  
partire e arrivare,  
arrivare e partire.  
Sì, la vita, la vita,  
si fa presto a dire.